

《行政長官普選辦法諮詢文件》之意見  
黃偉國先生 | 2015 年 1 月 31 日

禽日，有個五歲的男性小朋友，佢知道我今日去立法會講行政長官普選，於是佢就話啊：「做人，千其唔好講大話，講大話的話，唔單只甩大牙，個鼻仲會越來越長，變咗木偶奇遇記的男主角」。原來，細佬仔唔單只真係唔識講大話，其實係細佬仔知道大人講大話。

你應承小朋友請佢食糖——記住，係食糖——唔係食豆腐，唔係食涼粉，唔係食自己。點知，個大人帶咗佢去夜總會，佢不斷同小朋友講入面有糖食，入面 D 糖特別好食，然後又話最多去完夜總會，再帶你去食糖。結果，糖就一定無得食，仲要比個大人灌佢飲咗成箱假白蘭地，跟着比人響暗角打鑊。

你話啊，若果你係果個小朋友，你情可以堪！

坦白講，正苦都心知肚明一齊響做 hea 做扮做嘢，點解？因為一切都係等北京政府的發落。

今日，加埋下個星期六，一定有唔少親北京的地上地下團體組織人士入嚟支持。支持唔緊要，但係，你估佢哋真係支持政改方案？

佢只係照著個原稿剪貼一萬次，然後搵一萬人上嚟讀一萬次，都係得一種聲音。比 D 心機，認真少少，係支持的，就用腦諗 D 理由出嚟；記住，係理由，唔係鼓油，任人老點。

從政治學角度，「普選」可以合理化專制獨裁的暴政，普選沒有市民的提名權及被選權，根本無資格叫做「普選」。

以前 1,200 提名加選舉，係 1,200 人的罪惡。2017 年行政長官選舉，用政府的方案，就變成 1,200 人提名+ 340 多萬選民的罪惡。

香港人，係時候在「真專制」或「假民主」作決擇：

你揀真專制，起碼你都知道個制度真係專制無能，無論係行政霸道、立法的功能組別，同埋分組點票；然後透過自身的力量，為改變依一個不公義的制度繼續抗爭下去。

但係，揀咗「假民主」的話，結果就好似頭先提過個細路咁，比人帶咗去飲假白蘭地，最後連渣都有。

當然，即使政府咁好彩，真係比佢過到政改方案，但係我相信，可能係中央及特區政府另一個惡夢的開始，因為太假的普選，會有不可預期的政治後果，情況就好似 1911 年的清朝一樣。

最後，今日搭地鐵，有個五歲的細路女，見到我依個叔叔，走埋嚟同我大大聲講：

**「政府玩爛我家，我們玩爛政府！」**

-----**完**-----